

重修安澤縣志

七冊

卷十三 形勝

卷十四 祥異

卷十五 藝文上

重修安澤縣志卷十之四

祥異志

災祥

兵氛

從來善言天者必有驗於人誠以天道遠而難測人事近而可憑也夫日蝕星孛地震山崩驗不驗尙未可知而聖王必恐懼修省不敢委爲氣數之適然蓋敬天即所以勤民也况饑饉凶荒何代蔑有干戈蹂躪戒備宜嚴忱於日而驚於心宜如何懍懍與志祥異

安澤縣志卷之四 祠廟

災祥

物失其常則爲異不獨災爲異即祥亦異春秋二百四十二年之間書災異者百二十有二凡以志變也安澤僻處深山旱澇無常虎豹螟蝗皆爲民害故書之以告有民事之責者
明

永樂庚子年邑南池開並頭蓮有異香次年張瑩登進士第天
順五年歲大稔

嘉靖十三年禾稼枯槁老幼道斃者甚衆

三十七年地震有聲

隆慶二年大饑流移載道

萬曆四年大風折木

六年七月隕霜殺禾

八年九月地震有聲

十四年大荒野有餓莩

三十一年冰雹傷禾

四十二年澗水大漲沒地甚多

四十五年蝗蟲食穀歲飢

四十六年歲大稔

天啓四年沁澗水俱漲田地多成巨浸

五年四月地震

崇禎二年三月地震

十年十一年並十三四年連遭飢饉黎民餓死大半
清

順治二年三月飛蝗食禾兼蚱蜢食豆菜大饑

九年九月各處水漲上下川中衝地數千頃

十年澗河大泛衝地

十七年三月隕霜殺禾五月冰雹大風拔樹將農器吹至空
中

康熙十七年秋雨傷禾

二十二年旱

二十五年六月大風拔樹屋瓦飄落

三十年自正月至六月不雨夏麥盡枯六月中旬降雨播穀
播穀之後飛蝗入境繼遭饑子彌山遍野綠苗一空知縣盧
振先報荒土庶上府具旱蒙太守元善轉詳撫憲具題捐賑
將本縣錢糧每兩免銀一錢四分次年錢糧寬至秋季開徵
又撥五臺崞縣二處米共運到縣一千一百有餘石一面煮
粥一面給散貧丁一次折米價銀二千二百八十兩每丁分
銀四錢一分一次折米價銀二千四百九十四兩每丁分銀
四錢八分一次折米價銀一千二百兩照丁給散三十一年
二月知府親臨賑濟四月奉旨差戶部郎中兵部員外兵科

給事等官到縣查荒

三十四年四月初六日地震房屋倒塌人畜壓死無數東池堡尤甚蒙上賑濟棺木銀兩每一大口給銀一兩每一小口給銀八錢

三十五年隕霜殺禾

三十六年隕霜殺禾較前更酷

三十七年春饑米價騰貴野有餓殍

三十九年澗水泛漲衝沒城外水地

五十五年六月猛虎爲災

五十九年本縣自六月至九月不雨秋苗盡枯知縣方遂申

文報荒九月中旬落雨播麥自播麥後三冬無雪麥種仍枯
民有飢色至六十年自正月至六月不雨二麥不收圖邑士
庶報荒蒙恩倉借賑每丁給穀二斗給銀九分六厘一次
賑銀七百五十兩每丁給銀一錢七分一次賑銀八百八十
兩一次賑銀一千七百八十兩量米分給饑民時米價每石
騰貴七兩百姓流移載道塗有餓莩六月二十九日都察院
至縣查荒賑濟

六十年秋山田五穀穰生萸稗大熟民賴存活

雍正八年夏猛虎爲災傷二十餘人

乾隆元年大有麥

四年二月地震

八年饑

十二年歲歉穀價騰貴

十九年饑

三十六年歉

三十七年詔免通省地丁錢糧

三十八年冬十一月朔大風

四十四四十五兩年詔免通省地丁錢糧

四十六年大旱

五十年大饑

五十七年饑

五十八年夏大雨十餘日

六十年正月日有重光

嘉慶元年日月合璧

二年至五年大有年

十一年秋大水斗米錢千七百

十六年春正月望夜晦羃翌辰方息

十七年秋彗星見

十八年八月淫雨

二十四年秋淫雨

二十五年春三月初三日大風霾

道光元年四月朔日月合璧五星聯珠是年至五年皆有年

六年二月二十五日大風晝晦

八年彗星見

十年閏四月地震六月大雨

十一年冬大雪

十二年秋隕霜殺禾

十三年饑

十四年大饑四月大風

十六年蝗

十七年四鄉多狼災

二十二年白氣見自西方長數十丈

二十三年日食晝晦星出

二十五年太白晝見

咸豐元年大有年

四年大有年糧價大減銀價昂

五年夏大雨雹邑東鄉十餘村麥禾全毀木葉盡脫

九年歲歉民饑羅家山生三足羊夏大雨衝毀護城河堤

十年夏六月十八日午大雨如注至翌辰始霽澗水泛漲自

東山底至城根汪洋一片衝毀護城河堤六十餘丈並城南

一角牛羊漂沒無數

十一年八月朔日月合璧五星聯珠

同治元年有年

三年歉

四年七月十四日夜星隕如雨

五年歲歉

六年歲歉民饑

八年三月大雪傷麥民饑

九年饑

光緒元年七月初四日大風拔樹有秋

二年大旱歲歉

三年大祲人相食道斃無數知縣張容安清查戶口共饑民四萬有餘稟請上憲開倉賑濟動用過常平倉穀六千二百九十三石二斗七升社義倉穀一千七十一石九升八合七勺粥廠動用常平倉穀一百二十石爵撫部院曾大中丞題奏奉旨撥發賑濟銀六千兩漕米小米七千二百五十石麥七百石高粱五百石照丁給散又撥發籽種銀三千兩牛一百三十七頭馬七十五匹按里給散又撥發綿衣六百五十件署知縣唐廷愷捐施綿衣五十件賑濟局捐施綿衣一百件照丁給散詔免三年下忙四年兩忙五年上忙錢糧

五年狼鼠爲災冬桃杏復花

是年三月城內席姓家豕產一象數日而斃衆以爲瑞昔昌黎稱麟爲祥然以出非其時雖祥亦妖此象亦然席氏自產象後家寢衰後又罹會匪之禍其機已伏於此矣可畏哉
六年狼鼠爲災歉收麥秋八月陰雨連旬

七年三月地震

八年有年南鄉東莊村李姓家生三足羊衆以爲異

九年大有年斗麥制錢二百文

十三年歲歉

十六年三月地震屋瓦飄落

十七年六月大水

十八年旱大饑斗麥制錢千餘發豐備倉賑貸窮黎冬月大寒密內水缸凍冰

十九年四月霖雨連旬麥在地生芽歉收

二十年五月大雨雹深三尺傷稼

二十一年秋陰雨連旬房屋倒塌無數上谷村一帶倚山爲屋廬者夜半醒覺屋動搖亦不介意次早啓戶不得開毀門視之則屋已爲水平驅至溝並無塌損遂大驚異

二十二年旱歉收

二十三年蟲害稼五月大雨河水泛漲汪洋一片冲傷人畜